

Plaids ed eglideas d'engraziament

Milena e Tamara Derungs han terminau igl emprendissadi cun success

DA GIUSEP VENZIN / ANR

■ **Las soras schumellinas Milena e Tamara Derungs han fatg igl emprendissadi d'employadas specializadas da sanadad el Center da sanadad Puntreis a Mustér.** Quei emprendissadi han las duas giuvnas da Trun finiu cun in ex-

cellent examen en nota da rang. Dils rondund tschien absolventas ed absolvents ha sulet ina schau nudar ina megliaera nota ch'il 5,3 da Tamara e Milena.

Dapli clamada che professiun

Suenter plirs fuffernadis ha *Tamara Derungs* encurschiu che la lavur en casa da

tgira ed attempai ei dada ad ella. Sia sora *Milena* ha mussau interess per la professiun d'assistenza medicinala.

Omisduas ein allura s'annunziadas per ina piazza d'emprendissadi al Center da sanadad Puntreis. «Nus eran dil meini ch'ei prendien silmeins ina», ha Milena detg. Omisduas han survegniu ina

plazza a Mustér e Milena constatescha: «Jeu sun fetg cuntenza sco igl ei iu.» Tamara numna ils puncts culminonts dil temps d'emprendissadi: «Quei ein ils plaids e las eglideas d'engraziament.» Las duas soras ein dil meini che la tgira da persunas attempadas seigi dapli clamada che professiun.


Quella clamada vulan ellas perfecziunar e frequentan en cuort la scola aulta dalla tgira a Cuera.

Avantatg d'esser en duas

La scola han Milena e Tamara era frequentau agl emprendissadi a Cuera. Ellas numnan in avantatg d'haver empiriu en duas: «Nus havein empiriu bia ensemen e dau sustegn in'a l'otra.» Ellas seigien stadas vidlunder, concedan las soras schumellinas, hagian denton aunc giu avunda temps per hobis. Quels hobis numnan ellas il sport, en special tennis, unihoc e ballapei.

Soras ed amitgas

«Nus essan soras ed amitgas», dian Tamara e Milena. Ellas hagian ils medems interess ed il medem cerchel d'amitgas. Ils proxims onns stattan las duas soras fideivlas a quei cerchel ed alla Surselva, era sch'ellas frequentan la scola a Cuera. «Per il temps suenter la scola fagein nus aunc negins plans.»



Milena e Tamara Derungs han fatg igl emprendissadi d'employadas da sanadad. Ellas han fatg quei cun oreifer success e frequentan en cuort la scola aulta per fatgs da tgira.

FOTO G. VENZIN